



**Hortulus Biblico-Moralis Et Asceticus**

**Pappus von Tratzberg, Franz**

**Ulm, 1725**

Doctrina 1. Desumpta ex cap. 8. & 9. lib. Esther, in quibus describitur:  
quomodo sententia contra Judæos lata per preces Estheris revocata,  
Mardochæus exaltatus.

---

[urn:nbn:de:hbz:466:1-61252](#)

cogaris perpeti, vive nunc Mardochæo in timore Dei, stans cum illo ante foras, ut non ingrediaris Aulam mundanæ vitæ.



## FASCICULUS LX.

### *Doctrinarum Moralium & Asceticarum.*

#### Doctrina I.

*Desumpta ex cap. 8. & 9. lib. Esther, in quibus describitur: quomodo sententia contra Judeos lata per preces Estheris revocata, Mardocheus exaltatus.*

*Considera:* **V**irgineam Dei Matrem erga clientes suos in particu- N. 390.  
lari judicio talem agere Patronam, qualem pro Ju-  
dæis Esther egisse legitur. Jacet Illa ante pedes  
cœlestis Assveri, & pro eorum salute sollicita exclamat: *quomodo enim*  
*potero sustinere necem & intersectionem Populi mei?* v. 6. citati cap. 8. Natu-  
ralistæ memorant: pavonem masculum esse infensum pullis, eò quod  
fœdam & luteō colore tintam ferre soleant speciem, colori paren-  
tum longè difformem. Quare tanquam abortivos reputans pater,  
eos ad necem querat: hoc ergo periculum pullis suis imminens ma-  
ter advertat, & eos sub alis abscondens morti subtrahat. Haud aliter:  
Judex æternus peccatores velut filios abortivos persequitur; querens  
eos ad necem æternam, utpote affectos deterrimo peccatorum colo-  
re: sed adest ocùs patrocinii sui alis Virgo Mater, & precum suarum  
præpotenti auxiliō eos jam parato subtrahit exitio. Hinc poterunt  
devoti Mariæ Clientes cum Davide testari Psal. 36. *In die malorum pro-*  
*texit me in abscondito Tabernaculi sui.* Maria Tabernaculum meritò vo-  
catur, sub quo non tantum Divinitas & humanitas Christi olim re-  
condita morabatur, sed etiamnū ab absconditi morantur peccatores,  
ut effugiant tremendi Judieis iram. Confirmat hoc Isaias, dum ait:  
*in die malorum super omnem gloriam protectio & Tabernaculum erit in umbra*  
*diei absolu&tu, & in securitate, & in absconsione, & turbine & à pluvia.. Optime*  
igitur  
Ttt 2.

igitur accinit Poëta Christianus : *Fulmina si metuas, Christi venerare parentem, opposita matris fulmina nulla cadent.* Quærit nonnullus : cur Salvator in cruce moriturus, propius fibi adstare passus sit Matrem Virginem ? forsan id ea de causa factum : ut sicut una mulier arborem circumstant, mortem Mundo pepererit, sic alia arbori pariter vicina pareret nobis vitam ? est non diffiteor conceptus notatu dignus : sed alium proposito nostro magis accommodum afferat Belbertus lib. 9. p. 2. a. 3. afferens : Mariam ideo tam vicinam exstitisse Crucifixo, ut sic copiam haberet clientes suos (etsi peccatores) majori efficacia eidem commendandi, verba citati authoris sunt : *ut quando justò Iudicio ira Dei in nos ad puniendum, & damnandum deberet excandescere, Ipsa Dei piissima Mater memor loci & temporis & charitatis Christi in cruce exhibita, pro nobis affectuosius interpellando mediaret.* Gravissimam à germano suo persecutionem perpessus Jacob, etiam spem obtinendæ Primogeniturae, soluto pretio jam jam sui juris factæ, videbatur amisisse : sed hemi partes filii sui strenue actura mater illum tegit hædorum pelliculis, præparat cibum, & ob maledictionis paternæ timorem propius accedere recusantem animat, dicens : *in me sit ista maledictio fili mi.* Genes. 27. Sed nunquid Maria non altera Rebecca est ? dum peccatorem, licet foedis hædorum pellibus vestitum, ad paternam Benedictionem à Christo recipiendam introducit, metuentem animans dicendō : *in me sit ista maledictio fili mi : tanum audi vocem meam.* Evenit inde : ut piò astu mitigatus Judex, maledictionis loco decernat : *de tibi Deus de rore Cœli &c.* talique benedictione affectus Mariæ cliens instar Mardochæi fulgebit vestibus regiis, hyacinthini & eriniis, coronam auream portans in capite, & amictus serico pallio atque purpureo. v. 15. cap. citati.

## Doctrina 2.

*Desumpta ex cap. 10. 11. & 12. lib. Esther, in quibus describitur Mardochæi somnium de fonte. Regis gratitudo propter manifestatas insidias &c.*

N.391. Considera : **M**irabile Mardochæi somnium, v. 6. cap. 10. descriptum. Viderat ille objectum sibi parvulum fontem, qui creverat in fluvium, inde in lucem & solem conversus. Præfigurabat hæc mira species ipsas res, quas palam postea fecerat eventus. Per Mardochæi enim exaltationem & Amani depressionem sol felicitatis Hebrew-